

# INFOSCI INTERNS SHOWCASE: SUATU PERMULAAN

Oleh Nurfaizah Kamarudin dan Zainon Hj. Bibi

"Praktikal telah selesai, apa langkah seterusnya?" Latihan Industri yang dilalui oleh pelajar sepanjang 8 minggu telah memberikan impak positif yang besar terhadap diri mereka. Pada jam 8.30 pagi, 18 Mei 2024, bertempat di Blok G, UITM Sarawak, Kampus Samarahan, telah diadakan 'InfoSci Interns Showcase'. Program ini bertujuan untuk memperkenalkan para pelajar Pusat Pengajian Sains Maklumat (CDIM110) UITM Sarawak semester 5 kepada kursus Latihan Industri (IMD310) melalui pembentangan dan penilaian markah oleh pensyarah penilai. Pelajar berpeluang untuk berkongsi pengalaman dan kemahiran yang diperolehi semasa latihan praktikal di agensi luar.

Objektif program ini adalah;

1. Menilai dan melaksanakan pemarkahan untuk subjek IMD310
2. Memberi peluang kepada para pelajar bertukar pendapat dan kemahiran yang diperolehi dari latihan industri
3. Berkongsi pengalaman semasa melaksanakan latihan industri di tempat praktikal
4. Menggalakkan kemahiran berkomunikasi yang berkesan
5. Memupuk semangat berpasukan dalam menjayakan program ini.



Salah seorang pelajar Semester 5 yang telah melengkapkan latihan industri sedang menyampaikan pengalamannya ketika menjalani latihan industri

Program seperti ini memberikan peluang berharga kepada peserta untuk berkongsi pengalaman dan kemahiran yang mereka peroleh sepanjang latihan praktikal. Sepanjang acara ini, seramai 13 pensyarah penyelia telah bertugas menilai dan memberikan markah untuk setiap pembentangan dan laporan yang disediakan. Para pelajar membentangkan hasil dapatan mereka serta isu-isu berkaitan pengurusan maklumat di setiap organisasi yang mereka pilih, menunjukkan kemajuan dan pengetahuan yang mereka capai selama tempoh latihan.

Sesi pembentangan dimulakan dengan parallel session yang telah diatur mengikut pensyarah penyelia yang dimulakan pada jam 9 pagi. Para pelajar memperlihatkan keyakinan diri yang tinggi dan menyampaikan ilmu serta maklumat yang diperolehi sepanjang latihan industri dengan penuh cemerlang. Diharapkan program seperti ini dapat diteruskan di masa hadapan untuk terus memupuk keyakinan diri, memfasilitasi perkongsian maklumat, dan menanamkan disiplin dalam kalangan pelajar.